

張曉明晤湖南省長 冀港湘加強合作

【大公報訊】中聯辦主任張曉明25日會見來港出席「2017年湖南（香港）投資貿易洽談周」系列活動的湖南省省長許達哲一行。仇鴻、譚鐵牛副主任參加會見。

許達哲介紹了湖南經濟社會發展和湘港經貿合作情況。許達哲表示，湘港經貿合作緊密，香港是湖南最大的外資來源地和出口市場，在湖南投資的香港企業逾9000家。

湖南農產品質量優良，是重要的供港農產品

基地。未來湖南還將進一步拓展教育、衛生等領域的對港交流合作。

張曉明表示，港湘合作淵源深厚，雙方有很好的合作基礎，希望兩地在繼續加強傳統優勢領域交流合作的同時，不斷開拓新的合作空間，推動港湘合作邁向更高水平。

此外，中聯辦譚鐵牛副主任當天下午亦應邀出席湖南省「香港工商界知名人士懇談會」，並主禮重大項目簽約儀式。



張曉明（右）會見湖南省省長許達哲（左）一行 中央政府駐港聯絡辦

港東港西

許智峯「動武」搶咪 累陳捷貴摔倒

象哥追劇「奮鬥」到三更

號稱「史上最大尺度」嘅反腐題材電視劇《人民的名義》，最近係內地熱播，引起好大回響，連進出口界立法會議員黃定光（象哥）都欲罷不能，成為吃追劇一族，甚至「奮鬥」到三更半夜。象哥同鄭晴講，自己追開就停唔到落嚟，已經係YouTube睇晒全集「預審版」喇，但覺得而家內地劇真係百花齊放，能夠正視官場上嘅歪風，如果內地睇到自己嘅弊端，又知錯能改，都係一件好事。

鄭晴都睇過下呢套《人民的名義》，入面真係有好多有中國特色嘅人際關係和政治語言。象哥就話，華人社會很講關係，《人民的名義》入面涉及師生、上下級，同窗之間嘅關係，假如呢啲人脈用之不

當，甚至互相勾結，就會產生禍害。象哥又話，人際關係應該要善用，但係要互相促進，而唔係互相包庇，呢個係好重要。



象哥最近被《人民的名義》吸引，成為追劇一族

鬚鬚過半選舉開支搞「關公」

選舉事務處尋日公布特首候選人會俊華（鬚鬚）嘅選舉開支申報，開支總數為1017萬，比成功當選的林鄭月娥總開支1200多萬元少。不過兩人嘅廣告宣傳費用差別都好大，林太只係用咗360幾萬元，佔開支只有三成；鬚鬚就用咗548萬宣傳，竟然佔選舉開支超過一半，睇嚟佢嘅「神級關公」都係要使唔少錢。

申報就顯示鬚鬚畀咗336萬元競選辦「創意及社交媒體部門」下嘅廣告公司Secret Tour，用係品牌形象

設計、標誌、主要視覺設計、宣傳片製作、競選團隊風襖、襟章製作等形象工程。

而花嘅Facebook、YouTube同Instagram等社交媒體嘅錢更高達逾210萬元。

至於捐款方面，鬚鬚就收到1533萬元，當中四筆合共95萬元嘅捐款，來自「頭號薯粉」田北俊關連嘅企業。仲有前行會成員楊敏德、前立法會議員詹培忠各捐25萬元、香港電視主席王維基捐20萬元、合和董事總經理胡文新捐10萬元。

民主黨有「竊鴿」之稱嘅許智峯又再發癲！佢尋日係中西區區議會文化康樂及社會事務委員會開會個陣，大鬧區議會，想睇就睇中西區區議員陳學鋒嘅Facebook啦！

陳學鋒Facebook入面載咗段許智峯衝擊委員會主席陳捷貴短片，片中許智峯離座企係陳捷貴後面，好似錄音機咁淨係不斷糾纏重複話：「我希望可以（就我嘅動議）表決投票」。但見陳捷貴無回應就玩搶咪，多次強搶主席同發言嘅另一議員楊開永嘅咪，拉扯之間仲同陳捷貴一齊跌到地上。難得嘅係，陳捷貴先行站起，仲極有修養咁倒過來扶許智峯起身添。

與會議員怒斥「又再打人」

多位與會議員都不齒許智峯嘅暴力無禮行為，怒斥佢係會議上「又再打人」。其後陳捷貴無奈宣布休會，並還原事件真相。但話，會議討論香港郵政應否關閉皇后大道郵政局，表決結果係支持該郵政局現有服務不應中斷，但許智峯同另一議員吳兆康就提出修訂，要求加

入未獲通過嘅議案嘅部分內容。就係陳捷貴按會議常規，要求其他區議員討論係咪同意有關修訂時，許智峯就要求立即表決，之後就發生咗上述驚人一幕。陳捷貴發現摔倒個陣受咗輕傷，事件已報警處理。

但許智峯唔單止無絲毫悔意，仲係Facebook稱自己「遭主席拉扯、摔倒及頸部攻擊」，又話人哋阻止表決係「濫權」。嘩，有片有真相，咁嘅大話都講得出？何況陳捷貴年屆68歲，許智峯只係得35歲，同埋一個坐，一個企，邊個暴力仲使問？反對派成日將自己包裝成弱者，明明衝擊咗人哋，都仲可以話自己係受害者，難怪犯法被拉咁天公地道嘅事，都可以講成「政治打壓」啦！



主席倒地傷



拉扯主席



離座說話




更多內容歡迎掃描二維碼，瀏覽大公網「港東港西」專題



多謝消防員哥哥救返我設計對白



▲「男神」大名叫郭健偉（左），目前駐守海務及離島分區 網上圖片



消防男神衝路救貓 網民感嘆「封咗盤」

消防員唔單止救人救火嘅，救貓一樣掂！話說尋日有位消防員哥哥，揸緊電單車個陣，嘍車來車往嘅路中心見到一隻小貓咪，二話不說將電單車停埋路邊，跑去路中英勇救貓，過程仲俾途經車輛拍低，擺埋上網。有網民睇完形容呢位消防員係「暖男」，有啲仲讚佢係「男神」，鄭晴睇到都心入眼。

老婆大讚：我老公咁有型

不過，經過人肉搜查發現，「暖男」消防員已經「封盤」，剛咗係上個月結婚，俊男美女親婚照都上晒網。新婚太太尋日都係Facebook讚老公：「點解我老公咁有型，高大威猛又有愛心」。

英勇救貓嘅「暖男消防員」大名叫郭健偉（Kevin），鄭晴「


八」到佢係2007年起加入消防員行列，目前駐守海務及離島分區，閒時鍾意打排球、玩水上活動，仲有係鍾意小動物囉！

Kevin尋日朝早八點係Facebook發文，憶述朝早揸電單車返工時嘅救貓經歷，「發現有舊嘢馬路中心，回望一下，郁嘅，原來係隻小花貓，佢話：「行咗陣點都唔忍心，泊低車返去望望，唔救佢應該會畀車扁」。雖然當時馬路上交通好繁忙，Kevin仍然跑去勇救花貓，完美體現消防員奮不顧身拯救精神。但其後係Facebook交代，貓仔已轉交界義工等待領養。


消防處職工總會主席高元風同鄭晴講，救助弱小係消防員一貫責任，佢讚揚Kevin有愛心，好英勇。不少網民睇Kevin嘅Facebook留言多謝佢：「英雄，多謝你一份愛令香港變得溫暖！」



Kevin原來已經「封咗盤」，啱啱咗上個月結婚，老婆都讚佢好有愛心 網上圖片



消防「男神」嘍馬路中英勇救返呢隻小貓 網上圖片



消防「男神」嘍馬路中英勇救返呢隻小貓 網上圖片

外交公署職員遊泰 幫港女孩搵返媽媽

外交部駐港特派員公署開通Facebook後，經常同網民積極互動。前排公署專頁講述咗一件有驚無險嘅事，原來復活節假期個陣，公署有同事到泰國曼谷旅遊，嘍邊水節上碰到一位家人走散嘅香港細路女，好彩同事學過廣東話，可以溝通，細路女都好聰明，記得媽媽

嘅電話。最後個位同事用WhatsApp通知細路女嘅媽媽，叫佢到廣播站接返個女。公署又順便向網友呼籲，外遊時記得注意安全，照顧好同行小孩，如有困難，可立即向中國駐當地使館或領事館求助，撥打中國外交部領保熱線：+861012308，唔少網民都點讚呢件好人事。

「AO歌王」開咪做主持

「AO歌王」登台開咪！係講梗電視台個台，下個月17日就正式開播喇！

有「AO歌王」之稱嘅民政事務局前常秘楊立門（Raymond），退

下官場之後繼續精彩，最近做埋節目主持人，主持十集訪談節目，訪問嘉賓包括中大校長沈祖堯、港大醫學院長梁卓偉、時裝設計師Vivienne Tam等猛人，分享二十年來嘅變化。

Raymond話，自己過去三十幾年係政府做過唔同部門，好似前市政事務署、前皇家香港警務處、工業貿易署、發展局前任秘書長（規劃及地政）等，對唔同範疇都有一番認識，「連Fashion嘅嘢我都識，可以同Vivienne Tam傾到佢」。唔講唔知，Raymond同香港回歸甚有淵源，鄭晴聽佢單止係97年回歸交接前一個晚宴嘅主持，仲係回歸10周年慶典籌備辦公室主任。係嗎！講下佢嘅新工先，下月佢就會去廠商會做行政總裁喇。



楊立門退下官場之後繼續精彩，最近做埋節目主持人